

Er wössed secher alli Auto Rally esch höt inn
Monte Carlo ond Paris-Dakar chonnt mer do en Sinn
au der Kurt Felix het dra gfall e gfonde
ond drom d`Rally vor Ostschwyz es Wetten-Dass erfonde

Am Spänglercup z`Davos händs ame s`Penaltyschüsse
am Jugenfeschtmorge z`Brogg händs ame s`Böllerschüsse
z`Zöri händs alljohr s`Knabeschüsse
ond z`Basel neuerdengs es Schimpanseschüsse

För einmol "Moskau laending" met eme Hobby-Jet
mer de Rust Mathias 4 Johr verurteilt het
wenn das so esch müesst minere Meinig nah
de Papst scho längscht läbeslängelech ha

Jo duli duli duli duli
jo duli duli duli duli
jo duli duli duli duli
nömm die ganz Nacht EWG met`em Kuli

Die Regierigsrotswahle send en Chrapf
wer chonnt of Aarau wer gwönnt de Kampf
bes`mer das weiss chas no lang goh es esch verrockt
wemmer emmer falschi Datom of d`Wahlzeddel drockt

Bem Tornhalleombou z`Rinike do händ`si ned pennt
ond ber Garderobe onde d`Duschene trennt
sed der Gliechberächtigung heja
wännnd d`Fraue halt separat au e Duschi ha

Singe Leige ond Theatel esch passee
al Schuelschlossfiel z`Linike hämmels gseh
wotsch e lächti Ontelhaltig ha
stellsch e Tlachtegloppe os Indie a

Wells de Broggere verleidet esch hätt`mer doch chönne
de Broggere ehri Häx be eus z`Rinike verbrenne
ich wär den no e Kanister Bänzin go dröber gheye
dametmer no s`neu Fүүrwehrauto hät chönne liweye

Küss die Hand schöne Frau ihre Augen sind so blau
tiri li tiri lo tiri la
küss die Hand schöne Frau wenn ich in ihre Augen schau
hätt ich se gärn em Nationalrot gha

Ich kenne es Hüüsli ond eschs no so chli
do füehl ich mech heimelig schöner chönnts ned si
doch chörzlech het d`Riniker Ordsbörgermacht
os dem schöne Hüüsli e Villa fasch gmacht

De Vorstand vom Ehc Iserloh das send den no affi
die wänd als Sponsor de Muhamed Gadhaffi
die Geschmäcker die send halt verschede
wenn mer de Beizer eis zahlt ben ich scho zfrede

Ich tue ned we de Waldheim protestiere
tue ned em Fernseh ond am Radio dementiere
ich gebes zu jo er händ rächt
die Schnetzelbänk do die send ächt

Der Komedi⁸⁸

Wänd er me bsueche? Ich be dehei onder „www.komedi.ch“